



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 633. Usque Ad Annum 726

Fleury, Claude

August. Vind. [u.a.], 1760

VD18 90117840

§. 8. Papa secundo interrogatur.

[urn:nbn:de:hbz:466:1-66082](https://nbn-resolving.org/urn:nbn:de:hbz:466:1-66082)

Altero die Imperator Paulum Pa- Sæculum VII
A. C. 654.
triarcham extremo morbo laborantem

invisens, omnia, quæ Papæ illata fue-
rant, narravit. Ingemuit ille, & versa
ad parietem facie dixit: *Heu me! istud
quoque damnationem meam graviorem
reddit.* Et quærenti Imperatori, cur ita
loqueretur, respondit Paulus: *An non
rem deſendam putas, tam crudeliter ha-
bere Episcopum?* Tum vehementissime
Imperatorem obteſtabatur, ut iis malis,
quæ Papa pertulerat, contentus eſſet.
Ita Paulus obiit, poſtquam Sedem Con-
ſtantinopolitanam annis tredecim tenuis-
ſet. Pirrus tunc Conſtantinopoli præ-
ſens, eam repetere cogitabat; ſed mul-
ti obſtabant, & Libellum Retractatio-
nis ab eo Papæ Theodoro oblatum ob-
jiciebant, dicentes, quod ſe ipſum hoc
facto indignum Sacerdotio reddiderit,
& a Paulo Patriarcha Anathemate per-
cuſſus fuerit.

Sup. Lib.
XXXVIII.

§. 24.

n. 40.

§. VIII.

Papa ſecundo interrogatur.

Cum Tumultus creſceret Pirri cauſa,
Imperator ſcire voluit, quid Pirrus
Romæ egiffet, atque in hunc finem mi-
ſit Demoſthenem, Præfecti ærario mini-
ſtrum, cum Notario, ut Papam in car-
cere interrogaret. Hi ingreſſi ad Papam
dixerunt: *Cogita, quam felix fueris,*

N 4

Et

Sæculum VII *Et quam miser hodie sis! sed fortuna*
 A.C. 654. *tua faber ipse extitisti.* Papa id solum
 respondit: *In omnibus laudetur Deus!*
 Demosthenes dixit: *Imperator edoceri*
vult, quid hic, Et Romæ in causa Pir-
bi, olim Patriarchæ, actum sit. Cur
Romam iuit? An instinctu alterius, vel
motu proprio hanc profectiorem susce-
pit? Respondit Papa: *Sponte sua venit.*
 Demosthenes dixit: *Quomodo hunc Li-*
bellum conscripsit, an a quoquam coactus?
 Papa: *Coactus a nemine.* Demosthe-
 nes: *Pirrus Romam adveniens an a*
Theodoro Papa Antecessore tuo exce-
ptus est tanquam Episcopus? Papa: *Et*
cur non? cum priusquam Pirrus Romam
venisset, Theodorus ad Paulum liquido
scripserit, male eum fecisse, quod alte-
rius Sedem invasisset. Pirrus deinde ad
S. Petri pedes accedens, utique benigne
recipi, Et tanquam Episcopus coli debuit.
 Demosthenes: *Id verum est. Sed unde*
sustentabatur? Papa respondit: *Sine o-*
mni dubio a Palatio Patriarchali Roma-
no. Demosthenes: *Qualis panis ei præ-*
bebatur? Papa: *Video, quod Ecclesia*
Romanæ Charitatem non noveris. At
dico tibi, omnibus hominibus, quicumque
illo eunt, Et hospitalitatis officia rogant,
utcunque despiciabiles sint, omnia neces-
saria suppeditari. S. Petrus neminem
rejicit. Hospiti panis candidissimus, Et
vina

vina diversi generis, non solum ei, sed etiam comitibus præbentur. Exinde judica, quo cultu Episcopus, si veniat, sit excipiendus.

Sæculum VII
A. C. 654.

Demosthenes: Relatum est ad nos, quod Pirrbus ad conscribendum hunc Libellum coactus fuerit, injecti fuerint viro compedes, & plurima mala illata. Papa: Nihil tale factum. Habetis Constantinopoli multos viros, tunc temporis Romæ versatos, & scientes, quid ibi actum sit, nisi forte metu verum fateri prohibeantur. Habetis inter alios Platonem Patricium, qui Exarchus tunc fuit, & delegatos ad Pirrbum misit. Sed quid opus est tot interrogationibus? tenetis me, facite mihi, quod lubuerit. Etiam si frustatim corpus meum mutilaveritis, sicut Præfecto præcepistis, cum Ecclesia Constantinopolitana non communico. De Pirrbi Episcopatu deliberatis, toties depositi & anathematizati?

Demosthenes, & qui cum ipso venerant, mirati constantiam Pontificis, omnibus ejus Responsis in charta adnotatis, discesserunt.

§. IX.

S. Martini Papæ Exilium, & obitus.

Itaque S. Martinus Papa in carcere Diomedis

N 5

medis